

दिनांक 07.04.2024

समय: 18.45 बजे

आकाशवाणी जयपुर-अजमेर
प्रादेशिक समाचार।

- प्रदेश मांय न्यारा-न्यारा राजनैतिक दला रा ठांवा नेतावां रा दौरा चाले-रक्षा मंत्री राजनाथ सिंह अर उत्तरप्रदेश रा मुख्यमंत्री योगी आदित्यनाथ केई जनसभावां करी।
- लोकसभा चुणाव मांय सौ फीसदी मतदान सारू प्रदेश मांय न्यारी-न्यारी ठौड़ां वक्क cFk py अभियान आयोजित-केई ठौड़ां होम वोटिंग ने ले र निजर आयो उमाव।
- भारतीय सेना रा तीनु अंगां रो एक दिन रो भेळो सम्मेलन-परिवर्तन चिंतन काले नुवी दिल्ली मांय व्हेला।

अर

- करौली रो नामी शक्ति पीठ कैला देवी मेळो परवान माथे-अजै ताई दस लाख ऊं बत्ती दरसणियां री व्ही आवक।

000

प्रदेश मांय लोकसभा चुणाव ने ले र प्रचार तेज व्हे ग्ये है। भाजपा रा ठावा नेता अर रक्षा मंत्री राजनाथ सिंह आज राज्य रा न्यारा-न्यारा ठौड़ां रा दौरा माथे रिय। श्री सिंह बीकानेर लोकसभा हलका रा कोलायत मांय भाजपा रा उम्मीदवार अर्जुन राम मेघवाल री हिमायत मांय चुनावी सभा करी। वणा देश री कामियाबियां रो जिकरो करता कयो के आज आपां हर हलका मांय आत्मनिर्भर होवण कानी बध रिया हां। श्री सिंह राज्य मांय कांग्रेस री लारली सरकार माथे कानून बन्दोवस्त बिगाडण रो आरोप माड्यो। सभा मांय भाजपा रा ठावा नेता देवी सिंह भाटी अर कोलायत विधायक अंशुमान सिंह समेत दूजा नेता मौजूद रिया। इण रे पछे रक्षा मंत्री झुंझुनू जिला रा पिलानी मांय भाजपा उम्मीदवार शुभकरण चौधरी री हिमायत मांय जनसभा मांय भाषण कर्यो। पछे जयपुर मांय खबरनवीसां सामी बोलता रक्षा मंत्री राजनाथ सिंह कह्यो के 2047 ताई भारत दुनियां री तीजी मोटी अर्थ व्यवस्था बण जावेला। वणा कह्यो के प्रधानमंत्री अर आपा सब रो संकल्प साल 2047 ताई भारत ने विकसित राष्ट्र बणावणो है। मुख्यमंत्री भजनलाल शर्मा आज चूरू संसदीय हलका रा रतनगढ मांय कार्यकर्तावां सामी भाषण कर्यो। श्री शर्मा भाजपा उम्मीदवार देवेन्द्र झाझडिया रा समर्थन मांय रोड शो ई कर्यो। पछे मुख्यमंत्री सालासर बालाजी पूग्या अर वटे बालाजी रा दर्शन करे पूजा-अर्चना करी। वटे ई उत्तर प्रदेश रा मुख्यमंत्री योगी आदित्यनाथ भरतपुर ऊं भारतीय जनता पार्टी री हिमायत मांय हलेना मांय सभा करी। ई मौके वणा महाराजा सूरजमल ने नमन करता कयो के काश्तकारां रा मसीहा चौधरी चरण सिंह ने देश

रो ठावो सन्मान दीरी ज्यो है जो काश्तकारां सारू वां रा करी ज्या कामां सारू आपां री एहसानमंदी है। Jh ; kxh yky l kV vj jhxl eki; pukoh l Hkkok eki; Hkk" k.k dj ; kA भाजपा रा प्रदेश चुनाव प्रभारी विनय सहस्त्रबुद्धे आज करौली पूग्या। वणा कार्यकर्तावां साथे मीटिंग करी। दूजा राजनैतिक दलां ई प्रचार अर लोगां ऊं जनसम्पर्क तेज कर दियो है अर आप-आपरा उम्मीदवारां री हिमायत मांय चुनावी सभावां कर रिया है। स्टार प्रचारकां री सभावां रे अलावा ठोड-ठोड नुक्कड़ सभावां ई करी जाए री है। पैली रा उपमुख्यमंत्री सचिन पायलट काले नीम का थाना रा पाटन मांय सीकर संसदीय हलका रा उम्मीदवार कामरेड अमराराम री हिमायत मांय सभा करण रो कार्यक्रम है।

ई बीचे, जैपर मांय प्रदेश भाजपा मुख्यालय माथे आज न्यारा न्यारा राजनैतिक दलां अर सामाजिक संगठनां रा लोगां भाजपा री सदस्यता ली। इण मांय प्रदेश कांग्रेस कमेटी रा उपाध्यक्ष सुशील शर्मा ई भेळा है। वठै ई आम आदमी पार्टी रा किसान मोर्चा प्रदेश अध्यक्ष बनवारी लाल कुड़ी जयपुर मांय कांग्रेस री सदस्यता ली।

000

लोकसभा आम चुनाव मांय सौ-फीसदी वोट करावण रा लगस ने हासिल करण रा मकसद ऊं आज राज्य चुणाव महकमा कानी ऊं "vkvk cFk py" अभियान री सरूआत व्ही। मुख्य चुणाव अहलकार प्रवणी गुप्ता बताया कि पैला चरण मां वोट पडण वाळा चुणाव हलका मांय इण रे तैत खास कार्यक्रम कर्या जावे। इण मांय वोट देवण वाळा ऊं सौ फीसदी भागीदारी तैय करण सारू आज अर चौदह अप्रैल ने बूथ थर माथे अभियान चलायो जावेला।

आं दिनां राज्य रा सगळा 53 हजार 126 पोलिंग बूथां माथे संबंधित महकमा रा कर्मचारी मौजूद रहवेला। इण रे अलावा दूजा दिनां मांय घर-घर वोट देवण वाळा ऊं मिलने, वां ने मतदाता पर्ची अर वोटर गाइड दी जावेला। ई चरण सारू वोटर स्लिप अर गाइड बांटण रो काम 14 अप्रैल तांई पूरो कर लियो जाएला। आओ बूथ चले अभियान रे तहत मतदाता जागरूकता गतिविधियां ई चाले। ई कडी मांय जयपुर रा श्याम नगर रा पोलिंग बूथ माथे बूथ चलो अभियान मांय घणी तादाद मांय वोट देवण वाळा हिस्सो लियो बीएलओ रश्मि सिंह बतायो के बत्ती ऊं बत्ती वोट करावण सारू वोट देवण वाळा ने प्रेरित कर्या जावे है।

जैसलमेर मांय मतदान बधावण सारू जिला प्रशासन सेल्फी पॉइंट री मार्फत वोट देवणिया मांय जाग जगावे। सेल्फी पॉइंट ने ले र नुवा वोट देवण मांय खासो उमाव है। cinh मांय मतदाता जागरूकता ने ले र न्यारी न्यारी गतिविधियां करी जावेल। ई कडी मांय सामाजिक न्याय अर अधिकारिता महकमा कानी ऊं राजकीय कन्या छात्रावास मांय चित्रकला होड व्ही। हनुमानगढ रा टिब्बी मांय vkvk cFk py; vfhk;ku रे तैत मतदाता पर्चियां अर मार्गदर्शिकां बांटी ज्यी। वठे ई जिला मांय स्वीप गतिविधियां रे तैत एक अप्रैल ऊं सरू व्ही मतदाता क्विज होड ने ले र लोगां मांय खासो उमाव निजर आवे। होड मांय अजे तांई 22 हजार ऊं बत्ती वोट देवणिया हिस्सो लियो है।

जिला चुणाव अहलकार बतायो के 19 अप्रैल तांई रोज एक प्रश्न, जिला कलेक्टर हनुमानगढ रा सोशल मीडिया पेज माथे अपलोड कर्यो जा रियो है। केकडी रा गुर्जर छात्रावास मांय मतदाता जागरूकता सम्मेलन व्हीयो। कार्यक्रम रा आखिर मांय सौ फीसदी वोट करण सारू शपथ दिरायी ज्यी।

000

प्रदेश मांय लोकसभा चुणाव सारू चाल री होम वोटिंग ने ले र पात्र मतदातावां मांय उमाव निजर आवे। नागौर जिला मांय होम वोटिंग रे तीजे दिन आज बुजुर्ग अर दिव्यांग मतदातावां आप रा घर माथे ई वोट दियो। जिला रा मकराना मांय 101 साल री चुकी देवी आप रा रहवास ऊं ई वोट दियो। बुजुर्ग

वोट देवण वाळा रा पिरवारजना बतायो के विधानसभा 2023 मांय ई वणा वोट देवण सारू आप रो वोट होम वोटिंग री मार्फत दियो हो।

000

सेना रा तीनु अंगा रो एक दिन रो भेळो सम्मेलण-परिवर्तन चिंतन काले नुवी दिल्ली मांय व्हेला। सम्मेलण रो मकसद नुवा विचारां, नुवी पहलां अर सुधारां माथे जोर देवणो है। जिण ऊं तीनु अंगा रे बीचे तालमेल ने चोखो बणायो जा सके। सम्मेलण री सदरत रक्षा प्रमुख जनरल अनिल चौहान करेला। ओ सेना रा तीनु अंगा रा प्रमुखां, सैन्य कार्य मेहकमा अर इंटीग्रेटेड डिफेंस स्टाफ रा मुख्याल्यां रो पेलो भेळो सम्मेलन व्हेला। सम्मेलन मांय सेना ना न्यारा-न्यारा थर रा अहलकार आप रा अनुभव साझा करेला अर भेळां बन्दोवस्त ने कार्यरूप देवण सारू सुझाव देवेला। रक्षा मंत्रालय बतायो के भारतीय सशस्त्र बल भविष्य रा युद्धां सारू खुद ने तैयार कर रियो है, इण ने देखता भेळा अभियान सारू सेना री तीनु अंगा रे बीचे तालमेल ने मजबूत करण री पहल करी जावे।

000

लोकसभा सीटां रा चुणावी विश्लेषण री कडी मांय आज जाणा अलवर संसदीय हलका री चुणावी बिसात रा बारा मांय –

राजस्थान मांय 25 सीटा माथे ई बार दो चरणां मांय लोकसभा चुणाव व्हेला। पेला चरण मांय 19 अप्रैल ने 12 लोकसभा सीटां माथे अर दूजा चरण मांय 26 अप्रैल ने 13 लोकसभा सीटां माथे वोट पडेला। चुनाव नतीजा 4 जून ने ऐलाण कर्या जाएला। ई चुणाव मांय अलवर लोकसभा सीट माथे सगळी निजर बण्योडी है। इण ने राजस्थान री हॉट सीट मानी जावे। ई बार अठे भाजपा अर कांग्रेस समेत 9 उम्मीदवार चुणाव मैदान मांय है। अठे चुणावी मुकाबलो रोचक होवण रा आसार है। और ब्यौरो म्हारा खबरनवीस ऊं-

000

करौली जिला मांय नामी शक्ति पीठ कैला देवी रा मेळा मांय अजै ताई कोई दस लाख ऊं बत्ती दरसणी आं चुक्या है। मेळा मांय मिनंदर ट्रस्ट अर जिला प्रशासन कानी ऊं तगड़ा बन्दोवस्त करी ज्या है। मेळा सारू रोडवेज 346 ऊं बत्ती बसा चलावे है। वटे ई भरतपुर जिला रा श्री कैला देवी झील का बाडा मांय काले ऊं मेळो भरीजेला। ई मेळा मांय मेळा होवण उत्तर प्रदेश अर मध्यप्रदेश समेत राज्य रा न्यारा-न्यारा ठौडां ऊं श्रद्धालु आवणो सरू व्हे गया है। चेटीचंड महोत्सव री कडी मांय आज भीलवाडा रा हरि सेवा उदासीन आश्रम मांय रक्तदान शिविर रो आयोजन कर्यो गयो।

000

आज विश्व स्थास्य दिवस है। इण रो लगस दुनिया मांय स्वास्थ्य रे प्रति जागरुकता बधावणों अर लोगां ने स्वास्थ्य जीवण सारू प्रेरित करणो है। इ साल रो मुद्दो है – **eijk LokLF; eijk vf/kdkjA** ई मौके भरतपुर मांय आज राजकीय सेटेलाइट अस्पताल मांय स्वास्थ्य जागरुकता शिविर लगायी ज्यो।